

Broj: 03-02-893/2019
Sarajevo, 19.11.2019. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 19-11-2019			
Org. jed.	Broj	Priloga	Vrijednost
01,02	02	2091	19

**PARLAMENT FEDERACIJE
BOSNE I HERCEGOVINE**

- **Predstavnički dom -**
gosp. Mirsad Zaimović, predsjedavajući
- **Dom naroda -**
gosp. Tomislav Martinović, predsjedavajući

HITNO

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u **prilogu Vam dostavljam AMANDMANE VLADE FEDERACIJI BOSNE I HERCEGOVINE NA PRIJEDLOG ZAKONA O OBAVEZNYM OSIGURANJIMA U SAOBRAĆAJU**, koje je utvrdila Vlada Federacije Bosne i Hercegovine na 146. hitnoj sjednici, održanoj 19.11.2019. godine.

Amandmani Vlade Federacije Bosne i Hercegovine postaju sastavni dio Prijedloga zakona o obaveznyh osiguranjima u saobraćaju, koji sam u parlamentarnu proceduru, radi razmatranja i donošenja, dostavio aktom broj: 03-02-893/2019 od 24.10.2019. godine.

Amandmani se dostavljaju na službenim jezicima i pismima Federacije Bosne i Hercegovine.

S poštovanjem,



PREMIJER

Fadil Novalić

Prilog: kao u tekstu na bosanskom jeziku

**Co: Federalno ministarstvo finansija –
Federalno ministarstvo financija
gđa Jelka Milićević, ministar**

Na osnovu člana 73. stav (4) Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), Vlada Federacije Bosne i Hercegovine je, na 146. hitnoj sjednici, održanoj 19.11.2019. godine, utvrdila

**AMANDMANE
NA PRIJEDLOG ZAKONA O OBAVEZNIH OSIGURANJIMA U SAOBRAĆAJU**

AMANDMAN I.

U članu 11. stav (2) broj „2020“ zamjenjuje se brojem „2022“.
U stavu (3) broj „2023“ zamjenjuje se brojem „2025“.

Obrazloženje

Kako bi se društva za osiguranje što adekvatnije i bolje pripremila za potpunu liberalizaciju tržišta obaveznog osiguranja od autoodgovornosti, uvažavajući iskustva zemalja u okruženju predložena je navedena izmjena rokova, a na osnovu naknadnog razmatranja zahtjeva Udruženja društava za osiguranje u Federaciji Bosne i Hercegovine za prolongiranje rokova za postepenu deregulaciju i liberalizaciju cijena usluga u osiguranju od autoodgovornosti.

AMANDMAN II.

U članu 28. stav (1) iza riječi: „osiguranju“ dodaju se riječi: „u roku od 60 dana“.

Obrazloženje

Precizira se rok u kojem je društvo za osiguranje dužno nadležnom Zavodu zdravstvenog osiguranja nadoknaditi stvarnu štetu u okviru odgovornosti svog osiguranika i u granicama obaveza preuzetih ugovorom o osiguranju, s obzirom da odredbom Zakona o finansijskom poslovanju kojim se inače propisuju rokovi izmirenja obaveza dužnika prema povjeriocu isključen finansijski sektor od primjene propisanih rokova.

AMANDMAN III.

U članu 44. iza stava (2) dodaju se novi st. (3), (4) i (5) koji glase:

„(3) Visina naknade iz čl. 38. do 43. ovog zakona utvrđena je na bazi prosječne visine premije po polici u autoodgovornosti u visini od 300,00 KM.

(4) U slučaju povećanja ili pak smanjenja cijene prosječne visine premije iz prethodnog stava ovog člana za više od 10% visina naknade će se povećavati ili smanjivati u identičnom procentu.

(5) Prosječnu visinu premije iz stava (3) ovog člana će utvrđivati i objavljivati Agencija svake godine najkasnije do kraja prvog mjeseca tekuće godine sa presjekom na dan 31.12. prethodne godine.

Obrazloženje

Radi jasne provedbe navedenih odredbi propisuje se polazna osnova za utvrđivanje visine naknade premije propisane u čl. 38. do 43. ovog zakona, a to je prosječna visina premije po polici u autoodgovornosti.

AMANDMAN IV.

U članu 74. stav (3) iza tačke f) dodaje se nova tačka g) koja glasi:

„g) ne nadoknadi stvarnu štetu u okviru odgovornosti svog osiguranika i u granicama obaveza preuzetih ugovorom o osiguranju nadležnom Zavodu zdravstvenog osiguranja u propisanom roku (član 28. stav (1) ovog zakona),”.

Dosadašnja tačka g) postaje tačka h).

Obrazloženje

Amandmanom II. je propisan rok društvima za osiguranje za nadoknadu štete nadležnom Zavodu za osiguranje, a ovim amandmanom se propisuje i prekršajna odgovornost društvu za osiguranje ako ne postupi u tom roku.

V. broj: 1325/2019
19.11.2019. godine
Sarajevo



PREMIJER

Fadil Novalić